

Broj: 13/04-04-13-8/20-  
Sarajevo, 09.01.2020. godine

## JAVNI POZIV ZA PODNOŠENJE POREZNIH PRIJAVA

Porezna uprava Federacije BiH poziva porezne obveznike: pravna lica, poduzetnike i građane da u skladu sa Zakonom o Poreznoj upravi Federacije BiH i drugim poreznim zakonima i podzakonskim aktima podnesu slijedeće porezne prijave:

- **Godišnju prijavu poreza na dohodak za 2019. godinu - Obrazac GPD 1051 do 31. marta 2020. godine,**
- **Prijavu poreza na dobit za 2019. godinu do 31. marta 2020. godine,**
- **Godišnju prijavu poreza na imovinu za 2020. godinu, po kantonalnim propisima do 31.01.2020. godine, a za Tuzlanski kanton do 28.02.2020. godine,**
- **Prijave komunalne, kantonalne i općinske takse, u rokovima i na obrascima koji su propisani za svaki kanton, odnosno općinu pojedinačno.**

### **Godišnja prijava poreza na dohodak - Obrazac GPD-1051 za 2019. godinu**

**Godišnju prijavu poreza na dohodak obavezno podnosi fizičko lice - rezident Federacije BiH (za dohodak ostvaren u i izvan Federacije BiH) i nerezident (samo za dohodak ostvaren na teritoriji Federacije BiH), ako je ostvario:**

- dohodak iz dva ili više izvora u poreznom periodu,
- dohodak obavljanjem nesamostalne djelatnosti kod dva ili više poslodavaca,
- dohodak direktno iz inostranstva,
- dohodak od obavljanja samostalne djelatnosti (obrti i djelatnosti srodne obrtu po Zakonu o obrtu, i druge djelatnosti regulisane posebnim propisima: trgovačke, ugostiteljske, transportne, turističke, posredovanje pri davanju stvari i prava u zakup ili podzakup i sl. i druge samostalne djelatnosti), osim dohotka od samostalnih djelatnosti na koje se porez plaća u paušalnom iznosu,
- dohodak po osnovu nesamostalne djelatnosti kod jednog poslodavca, a poslodavac na sve isplaćene plaće i oporezive naknade nije obustavio i uplatio porez po odbitku.

### **Godišnju prijavu poreza na dohodak nisu dužni podnijeti:**

- zaposlenici koji su ostvarili dohodak od nesamostalne djelatnosti samo kod jednog poslodavca, a koji u istom poreznom periodu nisu ostvarili dohotke iz drugih izvora, pod uslovom da je poslodavac, odnosno lice koje ima obaveze poslodavca, na sve isplaćene plaće i oporezive naknade u proteklom

- poreznom periodu obračunao, obustavio i uplatio porez po odbitku i Poreznoj upravi dostavio mjesečne izvještaje (Obrazac MIP-1023),
- porezni obveznici koji su u poreznom periodu ostvarili samo dohotke za koje je obračunat, obustavljen i uplaćen porez po odbitku kao **konačna porezna obaveza**, i to:
    - dohodak od nesamostalne djelatnosti za rad u trajanju do 80 sati mjesečno, a za koji isplaćeni dohodak ne iznosi više od 250,00 KM,
    - dohodak od imovine ostvaren iznajmljivanjem kuća, stanova i kreveta turistima za koje je plaćena boravišna taksa,
    - dohodak od otuđenja nekretnina i imovinskih prava,
    - dohodak od nagradnih igara i igara na sreću,
    - dohodak od ulaganja kapitala (prihoda po osnovu kamata od zajmova i prihoda po osnovu isplaćenog kapitala od dobrovoljnog dopunskog osiguranja (životnog, penzionog) ušteđenog od premija na koje korisniku osiguranja nisu obračunati i plaćeni obavezni doprinosi i porez na dohodak),
  - porezni obveznici nerezidenti za dohodak koji ostvare povremenim obavljanjem samostalne djelatnosti (umjetnici, sportisti, književnici i dr.), uključujući i djelatnosti vezane za novinarstvo, radio, televiziju, te organizaciju zabavnih priredbi.

### **Prilozi uz Godišnju prijavu poreza na dohodak**

Porezni obveznici – rezidenti Federacije BiH koji Poreznoj upravi podnose Godišnju prijavu poreza na dohodak (Obrazac GPD-1051), dužni su uz prijavu priložiti slijedeće:

- **Za dohodak od nesamostalne djelatnosti:**
  - fotokopiju Godišnjeg izvještaja o ukupno isplaćenim plaćama i drugim ličnim primanjima - Obrazac GIP-1022;
- **Za dohodak od samostalne djelatnosti obrta i djelatnosti sličnih obrtu, slobodnih zanimanja, poljoprivrede i šumarstva:**
  - Specifikaciju za utvrđivanje dohotka od samostalne djelatnosti (Obrazac SPR-1053),
  - Popisnu listu dugotrajne imovine (Obrazac PLDI-1043),
  - ugovore i dokumentaciju o otuđenju djelatnosti,
  - dokumentaciju o udjelu o zajedničkom dohotku;
- **Za dohodak od samostalnih djelatnosti slobodnih zanimanja** (novinara, umjetnika i sportista) i **drugih samostalnih djelatnosti** (djelatnost članova skupština i nadzornih odbora privrednih društava, upravnih odbora, stečajnih upravitelja i sudija porotnika koji nemaju svojstvo zaposlenika u sudu); **povremene samostalne djelatnosti** (kao što su djelatnosti naučnika, umjetnika, stručnjaka, novinara, sudskih vještaka, trgovačkih putnika,

akvizitera, sportskih sudija i delegata i druge djelatnosti koje se obavljaju uz neku osnovnu samostalnu ili nesamostalnu djelatnost):  
-godišnji izvještaj isplatioca dohotka o obračunatom, obustavljenom i uplaćenom porezu po odbitku (pregled sa podacima o obračunatim i isplaćenim naknadama po osnovu drugih samostalnih djelatnosti obavljenih po osnovu ugovora o djelu, ugovora o autorskim honorarima i dr.) koji je isplatilac oporezivih prihoda fizičkim licima dužan dostaviti do 28.02. tekuće godine;

- **Za dohodak od imovine - iznajmljivanja imovine (pokretne i nepokretne),** osim kada se nekretnine iznajmljuju turistima za koje je plaćena boravišna taksa:
  - Pregled prihoda i rashoda od iznajmljivanja imovine - Obrazac PRIM-1054,
  - ugovor o iznajmljivanju (u slučaju da se obveznik opredijelio za rashode u paušalnom iznosu);
- **Za dohodak od imovinskih prava** - vremenski ograničenog ustupanja prava (autorska prava i prava industrijskog vlasništva):
  - ugovor o vremenski ograničenom ustupanju imovinskih prava;
- **Za dohodak ostvaren u inostranstvu:**
  - dokaz o ostvarenom dohotku (u ovisnosti od vrste dohotka od:nesamostalne djelatnosti, samostalne, drugih samostalnih djelatnosti i dr.),
  - dokaz o plaćenom porezu u inostranstvu u slučaju primjene odredbi ratificiranih međunarodnih ugovora ili sporazuma (konvencija) o izbjegavanju dvostrukog oporezivanja;
- **Za priznavanje dijela ličnog odbitka po osnovu troškova zdravstvenih usluga:**
  - originalnu dokumentaciju ovlaštenih zdravstvenih ustanova (bolnice, klinike, zavodi i dr.) koja glasi na ime poreznog obveznika ili člana njegove porodice,
  - potvrdu o participaciji,
  - dokaz o plaćanju troškova,
  - kopiju recepta za lijekove registrovane na području Federacije BiH i račune apoteka kao dokaz da je lijek plaćen,
  - dokaz o stepenu invalidnosti kod nabavke ortopedskih pomagala (što uključuje i članove uže porodice koje porezni obveznik izdržava),
  - izjavu da za navedene svrhe nije primljena donacija;
- **Za priznavanje dijela ličnog odbitka po osnovu plaćenih kamata na stambeni kredit:**
  - fotokopiju ugovora o stambenom kreditu,
  - original potvrdu ili listing banke kao dokaz o plaćenim kamatama za porezni period za koji se podnosi porezna prijava. Potvrda/listing treba da sadrži i broj ugovora o stambenom kreditu,
  - dokaz da obveznik i njegov bračni drug ne posjeduju nepokretnu imovinu za stanovanje – uvjerenje od nadležnog suda i/ili općine,
  - fotokopiju ugovora o kupoprodaji ili gradnji stambene jedinice kao dokaz da su sredstvima odobrenog stambenog kredita riješili ili počeli rješavati stambeno pitanje (kupili odgovarajuću stambenu jedinicu, odnosno sklopili ugovor o kupovini ili gradnji odgovarajuće stambene jedinice, kreditom kupili plac i materijal za gradnju stambene jedinice i sl.); odnosno fotokopije računa

o kupovini placa i/ili materijala za gradnju stambene jedinice (u slučaju individualne izgradnje) sa dokazima o izvršenom plaćanju istih (u smislu odredbi Zakona o porezu na dohodak, odgovarajućom stambenom jedinicom smatra se stambeni prostor veličine do 120 m<sup>2</sup>),  
- potpisanu izjavu poreznog obveznika da on i članovi uže porodice koji zajedno s njim rješavaju svoje stambeno pitanje nisu vlasnici ili suvlasnici nekretnina za stanovanje i da ovim kreditom prvi put rješavaju stambeno pitanje (Izjava se može preuzeti u nadležnoj poreznoj ispostavi ili putem sljedećeg linka na web stranici Porezne uprave:

[http://www.pufbih.ba/v1/public/upload/zakoni/c54b6-2.stav\\_-\\_fmf.pdf](http://www.pufbih.ba/v1/public/upload/zakoni/c54b6-2.stav_-_fmf.pdf)),  
- izvod računa banke kao dokaz da sredstva odobrenog stambenog kredita do dana podnošenja godišnje porezne prijave nisu utrošena za druge svrhe u slučaju da u toku poreznog perioda za koji se podnosi godišnja porezna prijava porezni obveznik nije sredstva kredita namijenjena za rješavanje svog stambenog pitanja angažovao odnosno namjenski utrošio, uz obavezu da dokaze o namjenskom utrošku tih sredstava naknadno dostavi Poreznoj upravi, i to najkasnije do kraja tekuće godine;

**Napomena: navedenu dokumentaciju za priznavanje dijela ličnog odbitka po osnovu plaćenih kamata na stambeni kredit podnose porezni obveznici koji prvi put ulaze u pravo, a svake naredne godine potrebno je priložiti samo original potvrdu ili listing banke o plaćenim kamatama za porezni period za koji se podnosi porezna prijava.**

### **Mjesto podnošenja Godišnje prijave poreza na dohodak (Obrazac GPD-1051)**

- Godišnja prijava poreza na dohodak (Obrazac GPD-1051) podnosi se nadležnoj ispostavi Porezne uprave prema mjestu prebivališta fizičkog lica, osim u slučajevima kada je obveznik:
  - ostvario **samo** dohodak od samostalne djelatnosti obrta i djelatnosti srodnih obrtu - Obrazac GPD-1051 se predaje prema mjestu registracije samostalne djelatnosti, i
  - fizičko lice rezident Federacije BiH koje ima prebivalište na području Republike Srpske i/ili Brčko distrikta, a koje ostvaruje dohodak od nesamostalne djelatnosti kod poslodavca koji ima sjedište na području Federacije BiH – predaje se nadležnoj poreznoj ispostavi prema mjestu sjedišta poslodavca.

**Obrazac GPD-1051 možete preuzeti ovdje:**

[http://www.pufbih.ba/v1/public/upload/obraci/a9d63-94b8a-obrazac\\_gpd\\_1051\\_ver1\\_\\_bos\\_web2.pdf](http://www.pufbih.ba/v1/public/upload/obraci/a9d63-94b8a-obrazac_gpd_1051_ver1__bos_web2.pdf)

[http://www.pufbih.ba/v1/public/upload/obraci/c3e44-b1438-obrazac\\_gpd\\_1051\\_ver1\\_hrv\\_web1.pdf](http://www.pufbih.ba/v1/public/upload/obraci/c3e44-b1438-obrazac_gpd_1051_ver1_hrv_web1.pdf)

[http://www.pufbih.ba/v1/public/upload/obraci/a3787-a9ecd-obrazac\\_gpd\\_1051\\_ver1\\_srp\\_web1.pdf](http://www.pufbih.ba/v1/public/upload/obraci/a3787-a9ecd-obrazac_gpd_1051_ver1_srp_web1.pdf)

**Rješenje o povratu poreza na dohodak**

Pravo na povrat preplaćenog poreza na dohodak utvrđuje Porezna uprava donošenjem rješenja o povratu poreza, a Ministarstvo finansija kantona na čijem području se nalazi prebivalište poreznog obveznika vrši povrat iznosa utvrđenog ovim rješenjem, na tekući račun obveznika poreza, u roku od 90 dana od dana isteka roka za podnošenje porezne prijave.

**Za nepodnošenje Godišnje prijave poreza na dohodak (Obrazac GPD-1051) u propisanom roku za fizičko lice propisana je novčana kazna u iznosu od 300,00 do 3.000,00 KM.**

## **Prijave poreza na dobit za 2019. godinu**

**Poreznu prijavu koja uključuje Prijavu poreza na dobit, Porezni bilans i drugu dokumentaciju propisanu zakonom podnose:** privredna društva i druga pravna lica - rezidenti Federacije BiH, podružnice iz Republike Srpske ili Brčko distrikta za dobit koju ostvare u Federaciji BiH, poslovne jedinice nerezidentnog pravnog lica, pravna lica koja su registrovana u skladu sa posebnim propisima, a obavljaju neku tržišnu djelatnost i ostvaruju i druge prihode na tržištu, matično privredno društvo (koje ima odobreno porezno konsolidovanje), i to:

- **Obrazac PP-801** - Prijavu poreza na dobit podnose privredna društva i druga pravna lica, rezidenti Federacije BiH, koji privrednu djelatnost obavljaju samostalno i trajno prodajom proizvoda i/ili pružanjem usluga na tržištu Federacije BiH, Republike Srpske i Brčko distrikta ili na inostranom tržištu radi ostvarivanja dobiti, nadležnoj ispostavi Porezne uprave Federacije BiH prema sjedištu pravnog lica.

### **Prilozi:**

- Porezni bilans (Obrazac PB-800),
- Pregled nastalih, neiskorištenih i iskorištenih poreznih gubitaka (Obrazac PG-809),
- Prijava porezne olakšice po osnovu investiranja u proizvodnu opremu (Obrazac PP-810),
- Prijava porezne olakšice po osnovu investiranja u stalna sredstva (Obrazac PP-811),
- Prijava porezne olakšice po osnovu novog zapošljavanja (Obrazac PP-812),
- Plan investiranja (Obrazac PI-808),
- Izjava o obračunatom porezu na isplaćene dividende/udjele (Obrazac ID-813),
- Prijava poreznog kredita van Bosne i Hercegovine po osnovu prihoda (Obrazac PK-814),
- Prijava dobiti podružnice u RS ili BD (Obrazac PE-806),
- Prijava dobiti poslovne jedinice van Bosne i Hercegovine (Obrazac PE-807),
- Godišnja prijava za uklanjanje dvostrukog oporezivanja kod transfernih cijena (Obrazac TP-900),
- Godišnji izvještaj o kontrolisanim transakcijama između povezanih lica (Obrazac TP-902),
- Godišnji izvještaj o kontrolisanim transakcijama multinacionalnog pravnog lica (Obrazac CCB-901),
- Konsolidovani porezni bilans i prijava poreza na dobit (Obrazac PP-805);

- **Obrazac PP-802** - Prijavu poreza na dobit podnose podružnice iz Republike Srpske ili Brčko distrikta za dobit koju ostvare u Federaciji BiH prema ispostavi za koju Porezna uprava odredi da je glavna.

**Prilozi:**

- Porezni bilans (Obrazac PB-800),
- Bilans uspjeha,
- Pregled nastalih, neiskorištenih i iskorištenih poreznih gubitaka (Obrazac PG-809),
- Prijava porezne olakšice po osnovu investiranja u proizvodnu opremu (Obrazac PP-810),
- Prijava porezne olakšice po osnovu investiranja u stalna sredstva (Obrazac PP-811),
- Prijava porezne olakšice po osnovu novog zapošljavanja (Obrazac PP-812),
- Plan investiranja (Obrazac PI-808),
- Izjava o obračunatom porezu na isplaćene dividende/udjele (Obrazac ID-813),
- Prijava poreznog kredita van Bosne i Hercegovine po osnovu prihoda (Obrazac PK-814);

- **Obrazac PP-803** - Prijavu poreza na dobit podnose poslovne jedinice nerezidentnog pravnog lica prema ispostavi koju odredi Porezna uprava Federacije BiH.

**Prilozi:**

- Porezni bilans (Obrazac PB-800-B),
- Bilans uspjeha,
- Pregled nastalih, neiskorištenih i iskorištenih poreznih gubitaka (Obrazac PG-809),
- Prijava porezne olakšice po osnovu investiranja u proizvodnu opremu (Obrazac PP-810),
- Prijava porezne olakšice po osnovu investiranja u stalna sredstva (Obrazac PP-811),
- Prijava porezne olakšice po osnovu novog zapošljavanja (Obrazac PP-812),
- Plan investiranja (Obrazac PI-808),
- Izjava o obračunatom porezu na isplaćene dividende/udjele (Obrazac ID-813),
- Prijava poreznog kredita van Bosne i Hercegovine po osnovu prihoda (Obrazac PK-814);

- **Obrazac PP-804** - Prijavu poreza na dobit podnose pravna lica koja su registrovana u skladu sa posebnim propisima, a obavljaju neku tržišnu djelatnost i ostvaruju i druge prihode na tržištu, osim prihoda iz registrovane djelatnosti po posebnim uslovima, nadležnoj ispostavi Porezne uprave Federacije BiH prema sjedištu pravnog lica.

**Prilozi:**

- Porezni bilans (Obrazac PB-800-B),
- Pregled nastalih, neiskorištenih i iskorištenih poreznih gubitaka (Obrazac PG-809),
- Prijava porezne olakšice po osnovu investiranja u proizvodnu opremu (Obrazac PP-810),
- Prijava porezne olakšice po osnovu investiranja u stalna sredstva (Obrazac PP-811),
- Prijava porezne olakšice po osnovu novog zapošljavanja (Obrazac PP-812),
- Plan investiranja (Obrazac PI-808),
- Izjava o obračunatom porezu na isplaćene dividende/udjele (Obrazac ID-813),
- Prijava poreznog kredita van Bosne i Hercegovine po osnovu prihoda (Obrazac PK-814);

- **Obrazac PP-805** - Prijavu poreza na dobit podnosi matično privredno društvo koje ima odobreno konsolidovanje nadležnoj ispostavi Porezne uprave Federacije BiH prema sjedištu matičnog društva.

**Prilozi:**

- Porezni bilans (Obrazac PB-800-B),
- Obrazac PP-801 - Prijavu poreza na dobit podnose privredna društva i druga pravna lica,
- Rješenje o konsolidaciji.

**Ako ne podnese propisane porezne prijave poreza na dobit porezni obveznik će biti kažnjen za prekršaj novčanom kaznom od 3.000,00 KM do 100.000,00 KM.**

Porezne prijave mogu se podnijeti elektronski, korištenjem usluga elektronskih servisa Porezne uprave Federacije BiH - E-usluge/servisi

Propisani obrasci, kao i uputstvo o korištenju elektronskih servisa nalaze se na web stranici Porezne uprave Federacije BiH - <http://www.pufbih.ba>

Pozivamo vas da izvršite zakonom propisane obaveze i podnesete porezne prijave i izvještaje u propisanim rokovima.

**Za svaku prijavu koju Porezna uprava Federacije BiH mora sačiniti u ime poreznog obveznika propisana je novčana kazna u iznosu od 500,00 do 50.000,00 KM.**

**POREZNA UPRAVA FEDERACIJE BIH**